

**Razvojna banka Federacije
Bosne i Hercegovine
Predsjednik Uprave**

Broj: 3872-III/21
Sarajevo, 26.4.2021. godine

Na osnovu člana 64. stav (1) tačka a), člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14), člana 8. stav (2) tačka d) Pravilnika o uspostavljanju i radu Komisije za nabavke (Službeni glasnik BiH broj 103/14), preporuke Komisije za nabavke iz Zapisnika o pregledu i ocjeni ponuda broj 3820-XI/21 od 26.4.2021. godine i člana 20. Statuta Razvojne banke Federacije Bosne i Hercegovine, u postupku javne nabavke usluga osiguranja službenih vozila Razvojne banke Federacije BiH, v.d. predsjednik Uprave Razvojne banke Federacije BiH donosi

ODLUKU

**o izboru najpovoljnijeg ponuđača u postupku javne nabavke usluga osiguranja
službenih vozila Razvojne banke Federacije BiH**

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj 3820-XI/21 od 26.4.2021. godine i Ugovor za nabavku usluga osiguranja službenih vozila Razvojne banke Federacije BiH dodjeljuje se ponuđaču ADRIATIC OSIGURANJE d.d., Trg Međunarodnog prijateljstva 20, 71000 Sarajevo, kao najpovoljnijem ponuđaču u konkurentskom zahtjevu za dostavu ponuda.

Član 2.

Ukupna cijena predmetnih usluga iz člana 1. ove odluke, iznosi 3.393,98 KM bez PDV-a, rok obrade odštetnog zahtjeva u odnosu na dan podnošenja kompletnog zahtjeva je 1 dan.

Član 3.

Po okončanju roka za žalbu, ugovorni organ će s izabranim ponuđačem zaključiti ugovor kojim će regulisati međusobna prava i obaveze.

Član 4.

U skladu sa odredbama člana 70. stav (6) Zakona o javnim nabavkama, ugovorni organ će objaviti ovu odluku na svojoj web stranici www.rfbih.ba, istovremeno s upućivanjem iste ponuđačima koji su sudjelovali u ovom postupku.

Član 5.

Ova odluka stupa na snagu danom donošenja i dostavlja se ponuđačima koji su sudjelovali u postupku javne nabavke, saglasno članu 71. stav (2) Zakona o javnim nabavkama.

OBRAZLOŽENJE

Odlukom o pokretanju postupka javne nabavke usluga osiguranja službenih vozila Razvojne banke Federacije BiH broj 3273-III/21 od 08.4.2021. godine, odobreno je pokretanje postupka predmetne nabavke za potrebe Razvojne banke Federacije BiH.

Javna nabavka je provedena putem konkurentskog zahtjeva za dostavu ponuda, a kriterij za dodjelu ugovora je ekonomski najpovoljnija ponuda.

Procijenjena vrijednost nabavke iznosi 5.000,00 KM bez PDV-a.

Obavještenje o nabavci predmetnih usluga objavljeno je na Portalu javnih nabavki dana 12.4.2021. godine, broj obavještenja: 1011-7-2-179-3-12/21.

Tenderska dokumentacija objavljena je zajedno sa navedenim obavještenjem.

Odlukom Ugovornog organa broj 2715-III/21 od 24.3.2021. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Slijedom navedenog, Komisija za nabavke u okviru svojih nadležnosti i ovlaštenja je provela predmetni postupak nabavke, te o tome sačinila Zapisnik o pregledu i ocjeni ponuda u kojem je utvrđeno da je pravovremeno pristiglo 6 (šest) ponuda kako slijedi:

R. Br.	Naziv i sjedište ponuđača	Datum i sat prijema ponude	Cijena ponude (u KM)	Rok obrade odštetnog zahtjeva	Popust (u KM)	Ukupna cijena bez PDV-a (u KM)
1.	GRAWE OSIGURANJE d.d. Sarajevo, Trg Solidarnosti 2, Sarajevo	20.4.2021. godine u 9:15 h	3.576,38	1 dan	0,00	3.576,38
2.	SARAJEVO-OSIGURANJE d.d. Sarajevo, Maršala Tita 29, Sarajevo	22.4.2021. godine u 14:15 h	4.424,00	1 dan	0,00	4.424,00
3.	OSIGURANJE AURA a.d. Banja Luka, Veljka Mladenovića br. 7 d, Banja Luka	22.4.2021. godine u 14:40 h	4.228,58	1 dan	0,00	4.228,58
4.	ADRIATIC OSIGURANJE d.d., Trg međunarodnog prijateljstva 20, Sarajevo	23.4.2021. godine u 08:15 h	3.393,98	1 dan	0,00	3.393,98
5.	CENTRAL OSIGURANJE d.d., Džemala Bijedića 39, Sarajevo	23.4.2021. godine u 09:30 h	3.462,27	1 dan	0,00	3.462,27
6.	D.D. za osiguranje CAMELIJA Bihać, 5. Korpuse br. 3, Bihać	23.4.2021. godine u 10:25 h	4.700,00	1 dan	0,00	4.700,00

Na osnovu izvršene analize i ocjene pristiglih ponuda, Komisija je utvrdila da su:

- ponude ponuđača GRAWE OSIGURANJE d.d. Sarajevo, SARAJEVO-OSIGURANJE d.d. Sarajevo, CENTRAL OSIGURANJE d.d., ADRIATIC OSIGURANJE d.d. i D.D. za osiguranje CAMELIJA Bihać su prihvatljive, dostavljeni su svi traženi dokazi propisani tenderskom dokumentacijom i na način propisan tenderskom dokumentacijom,
- ponuda ponuđača OSIGURANJE AURA a.d. Banja Luka nije prihvatljiva iz sljedećeg razloga:

Ponuđač OSIGURANJE AURA a.d. Banja Luka nije dostavio Rješenje nadležne institucije/Agencije za osiguranje kojim se odobrava obavljanje djelatnosti neživotnog osiguranja.

Naime, tačkom 14.1. tenderske dokumentacije (Sposobnost za obavljanje profesionalne djelatnosti) definisana je obaveza ponuđača da dostavi prethodno navedeno rješenje, kao i tačkom 19. Sadržaj ponude i način pripreme ponude.

Imajući u vidu prethodno navedeno, a u skladu sa članom 68. stav (4) tačka i) Zakona o javnim nabavkama Komisija za javne nabavke je odbacila ponudu jer ista nije potpuna i ne ispunjava zahtjeve iz tenderske dokumentacije.

Broj bodova izračunatih na osnovu potkriterija utvrđenih u tenderskoj dokumentaciji i rangiranje prihvatljivih ponuda (kriterij za dodjelu ugovora je ekonomski najpovoljnija ponuda) prikazan je kako slijedi:

R. Br.	Ponuđač	Bodovi za cijenu (P)	Bodovi za rok obrade odštetnog zahtjeva (R)	Ukupan broj bodova T=P+R	Rang
1.	ADRIATIC OSIGURANJE d.d.	90	10	100	1
2.	CENTRAL OSIGURANJE d.d.	88,22	10	98,22	2
3.	GRAWE OSIGURANJE d.d. Sarajevo	85,41	10	95,41	3
4.	SARAJEVO-OSIGURANJE d.d. Sarajevo	69,05	10	79,05	4
5.	D.D. za osiguranje CAMELIJA Bihać	64,99	10	74,99	5

U postupku donošenja ove odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponuda, u skladu sa kriterijima iz tenderske dokumentacije.

Imajući u vidu sve prethodno navedeno, a prvenstveno da je ponuđač ADRIATIC OSIGURANJE d.d. dostavio u predmetnom postupku javne nabavke prihvatljivu ponudu u skladu sa tenderskom dokumentacijom, koja je, prema kriteriju za izbor ponude (ekonomski najpovoljnija ponuda) ocijenjena najpovoljnijom, te ispunjava sve uslove i zahtjeve predviđene konkurentskim zahtjevom za dostavu ponuda, primjenom člana 64. Zakona o javnim nabavkama stav (1) tačka a) i člana 70. stav (1), (3) i (6) Zakona o javnim nabavkama ("Službeni glasnik BiH", br. 39/14) odlučeno je kao u dispozitivu ove odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana od dana prijema ove Odluke, saglasno članu 97. 99. i 101. Zakona. Žalba se podnosi u najmanje 3 (tri) primjerka.



v.d. predsjednik Uprave

dr. sc. Semir Fejzić

Dostaviti:

- Učesnicima u postupku